

摛藻堂四庫全書薈要

集部

欽定四庫全書叢要

集部

御定全唐詩卷八百九十五至七

詳校官原任主事臣李斯咏

欽定四庫全書會要卷一萬八千三百

集部

御定全唐詩卷八百九十五

魏承班

蜀太尉詞
二十一首

訴衷情

五首

高歌

宴罷月初盈詩情引恨情煙露冷水流輕思想夢

難成

羅帳弱香平恨頻生思君無計睡還醒隔層城

春深花簇小樓臺

風飄錦繡開新睡覺步香階山枕印

紅顛

鬢亂墜金釵語檀偎臨行執手重重屬幾千回

銀漢雲情玉漏長蛩聲悄畫堂筠簾冷碧窗涼紅蠟淚

飄香皓月鴻寒光割人腸那堪獨自步池塘對鴛鴦

金風輕透碧窓紗銀釭映影斜欹枕卧恨何賒山掩小

屏霞雲雨別吳娃想容華夢成幾度遶天涯到君家

春情滿眼臉紅消嬌妒索人饒星靨小玉璫搖幾共醉

春朝別後憶纖腰夢魂勞如今風葉又蕭蕭恨迢迢

生查子

三首

煙雨晚晴天零落花無語難話此時心梁燕雙來去

琴韻對薰風有恨和情撫腸斷斷弦頻淚滴黃金縷

寂寞畫堂空深夜垂羅幕燈暗錦屏欹月冷珠簾薄

愁恨夢難成何處貪歡樂看看又春來還是長蕭索

離別又經年獨對芳菲景嫁得薄情夫長抱相思病

花紅柳綠間晴空蝶舞雙雙影羞看繡羅衣為有金鸞

立

菩薩蠻

羅裙薄薄秋波染眉間畫得山兩點相見綺筵時深情

暗共知 翠翹雲鬢動
歛態彈金鳳宴罷入蘭房
邊人解佩璫

羅衣隱約金泥畫
瓊筵一曲當秋夜
聲顫覲人嬌雪鬟
嫋翠翹 酒醺紅玉軟
眉翠秋山遠
繡幌麝煙沈
誰人知兩心

玉容光
照菱花影沈沈
臉上秋波冷
白雪一聲新
雕梁起暗塵
寶釵搖翡翠
香惹芙蓉醉
攜手入鴛衾
誰人知此心

漁歌子

柳如眉雲似髮皎綃霧縠籠香雪夢魂驚鐘漏歇窗外
曉鶯殘月 幾多情無處說落花飛絮清明節少年郎
容易別一去音書斷絕

滿宮花

雪霏霏風凜凜玉郎何處狂飲醉時想得縱風流羅帳
香幃鴛寢 春朝秋夜思君甚愁見繡屏孤枕少年何
事負初心淚滴縷金雙衽

寒夜長更漏永愁見透簾月影王孫何處不歸來應在
倡樓酩酊金鴨無香羅帳冷羞更雙鸞交頸夢中幾
度見兒夫不忍罵伊薄倖

謁金門

煙水闊人值清明時節雨細花零鶯語切愁腸千萬結
鴈去音徽斷絕有恨欲憑誰說無事傷心猶不徹春
時容易別

春欲半堆砌落花千片早是潘郎長不見忍聽雙語燕

飛絮晴空颺遠風送誰家弦管愁倚畫屏凡事嬾淚

靄金縷線

長思憶思憶佳辰輕擲霜月透簾澄夜色小屏山凝碧
恨恨君何太極記得嬌嬈無力獨坐思量愁似織斷
腸煙水隔

木蘭花

小芙蓉香旖旎碧玉堂深清似水閑寶匣掩金鋪倚屏
拖袖愁如醉遲遲好景煙花媚曲渚鴛鴦眠錦翅凝

然愁望靜相思一雙笑靨噴香藥

玉樓春

寂寂畫堂梁上燕高卷翠簾橫數扇一庭春色惱人來
滿地落花紅幾片愁倚錦屏低雪面淚滴繡羅金縷
線好天涼月盡傷心為是玉郎長不見

輕歛翠蛾呈皓齒鶯轉一枝花影裏聲聲清迴遏行雲
寂寂畫梁塵暗起玉簟滿斟情未已促坐王孫公子
醉春風筵上貫珠勻艷色韶顏嬌旖旎

黃鍾樂

池塘煙暝草萋萋惆悵閒宵含恨愁坐思堪迷遙想玉人情事遠音容渾似隔桃溪偏記同歡秋月低簾外論心花畔和醉暗相攜何事春來君不見夢魂長在錦

江西

尹鶲

蜀參卿詞十七首

江城子

羃拖碧步飄香纖腰束素長鬢雲光拂面瓊瓈膩玉碎

凝妝寶柱秦箏彈向晚弦促雁更思量

何滿子

雲雨常陪勝會笙歌慣逐閒遊錦里風光應占玉鞭金
勒驛驅戴月潛穿深曲和香醉脫輕裘方喜正同鴛
帳又言將往皇州每憶良宵公子伴夢魂長挂紅樓欲
表傷離情味丁香結在心頭

醉公子

暮煙籠蘚砌戟門猶未閉盡日醉尋春歸來月滿身

離鞍隈繡袂墜巾花亂綴何處惱佳人檀痕衣上新

女冠子

雙成伴侶去去不知何處有佳期霞帔金絲薄花冠玉葉危嬾乘丹鳳子學跨小龍兒巨耐天風緊挫腰肢

菩薩蠻

隴雲暗合秋天白俯窗獨坐窺煙陌樓際角重吹黃昏方醉歸荒唐難共語明日還應去上馬出門時金鞭

莫與伊

嗚嗚曉角調如語
畫樓三會喧雷鼓
枕上夢方殘月光
鋪水寒 蛾眉應歛翠
只尺同千里宿酒未全消
滿懷離恨饒

錦茵閒襯丁香枕
銀缸燼落猶慵寢
顚坐遍紅爐誰知
情緒孤 少年狂蕩慣花曲
長牽絆去便不歸來空教

駿馬回

杏園芳

嚴妝嫩臉花明教人見了
關情含羞舉步越羅輕稱娉

嬌 終朝只尺窺香閣迢遙似隔層城何時休遣夢相

繫入雲屏

清平樂

偎紅斂翠盡日思閒事髻滑鳳皇釵欲墜雨打梨花滿
地 繡衣獨倚闌干玉容似怯春寒應待少年公子駕
幃深處同歡

芳年妙妓淡拂鉛華翠輕笑自然生百媚爭那尊前人
意 酒傾琥珀杯時更堪能唱新詞賺得王孫狂處斷

腸一搦腰肢

滿宮花

月沈沈人悄悄一炷後庭香
媚風流帝子不歸來滿地
禁花慵掃離恨多相見少
何處醉迷三島漏清宮樹
子規啼愁鎖碧窗春曉

臨江仙

一番荷芰生池沼檻前風送馨香
昔年於此伴蕭娘相
偎佇立牽惹叙衷腸時逞笑容無限態
還如菡萏爭

芳別來虛遣思悠悠
慵窺往事金鎖小蘭房

深秋寒夜銀河靜
月明深院中庭西
窗幽夢等閒成逡
巡覺後特地恨難平
紅燭半條殘焰短
衣稀暗背銀屏枕前
何事最傷情梧桐葉上
點點露珠零

撥櫂子

風切切深秋月
十朵芙蓉鱗
歇小檻細腰無力空羸
得目斷魂飛何處說
寸心恰似丁香結
看看瘦盡胸
前雪偏挂恨
少年拋擲羞覩見
繡被堆紅閒不徹

丹臉膩雙靨媚冠子縷金裝翡翠將一朶瓊花堪比窠
窠繡鸞鳳衣裳香窣地銀臺蠟燭滴紅淚釀酒勸人
教半醉簾幙外月華如水特地向寶帳顛狂不肯睡

秋夜月

三秋佳節晉晴空凝碎露茱萸千結菊藥和煙輕撚酒
浮金屑徵雲雨調絲竹此時難輟歡極一片豔歌聲揭
黃昏慵別炷沈煙熏繡被翠帷同歇醉竝鴛鴦雙枕
煖偎春雪語丁寧情委曲論心正切夜深窗透數條斜

月

金浮圖

絲華地王孫富貴瑱珥筵開下朝無事壓紅茵鳳舞黃
金翅玉立纖腰一片揭天歌吹滿目綺羅珠翠和風淡
蕩偷散沈檀氣堪判醉韶光正媚折盡牡丹豔迷人
意金張許史應難比貪戀歡娛不覺金烏墜還惜會難
別易金船更勸勒住花驄轡

毛熙震

蜀秘書監詞

二十九首

定西番

蒼翠濃陰滿院鶯對語蝶交飛戲薔薇
斜日倚闌風好餘香出繡衣未得玉郎消息幾時歸

何滿子

寂寞芳菲暗度歲華如箭堪驚緬想舊歡多少事轉添
春思難平曲檻絲垂金柳小窗弦斷銀箏深院空聞
燕語滿園閒落花輕一片相思休不得忍教長日愁生
誰見夕陽孤夢覺來無限傷情

無語殘妝澹薄含羞蟬袂輕盈幾度香閨眠過曉綺窗
疎日微明雲母帳中偷惜水精枕上初驚笑靨嬾疑
花折愁眉翠斂山橫相望只教添悵恨整鬟時見纖瓊
獨倚朱扉閒立誰知別有深情

女冠子

二首

碧桃紅杏遲日媚籠光影綠霞深香暖熏鶯語風清引
鶴音 翠鬟冠玉葉霓袖捧瑤琴應共吹簫侶暗相尋
修蛾慢臉不語檀心一點小山妝蟬鬢低含綠羅衣澹

拂黃 間來深院裏閒步落花傍纖手輕輕整玉爐香

酒泉子

閒卧繡幃慵想萬般情寵錦檀偏翹股重翠雲欹暮
天屏上春山碧映香煙霧隔蕙蘭心魂夢役歛蛾眉
鉢匣舞鸞隱映豔紅修碧月梳斜雲鬢膩粉香寒曉
花微歛輕呵展嫋釵金燕輭日初升簾半卷對妝殘

浣溪沙

春暮黃鶯下砌前水精簾影露珠懸綺霞低映晚晴天

弱柳萬條垂翠帶殘紅滿地碎香鉏蕙風飄蕩散輕
煙

花榭香紅煙景迷滿庭芳草綠萋萋金鋪閒掩繡簾低
紫燕一雙嬌語碎翠屏十二晚峰齊夢魂消散醉空

閨

晚起紅房醉欲消綠鬟雲散媚金翹雪香花語不勝嬌
好是向人柔弱處玉纖時急繡帔腰春心牽惹轉無

憇

一隻橫釵墜髻叢靜眠珍簟起來慵繡羅紅嫩抹蘇胸
羞斂細蛾魂暗斷因迷無語思猶濃小屏香靄碧山
重

雲薄羅帷綬帶長滿身新裏瑞龍香翠鈿斜映豔梅妝
佯不覷人空婉約笑和嬌語太猖狂忍教牽恨暗形
相

碧玉冠輕嫋燕釵捧心無語步香階緩移弓底繡羅鞋
暗想歡娛何計好豈堪期約有時乖日高深院正忘

懷

半醉凝情臥繡茵
睡容無力卸羅裙
玉籠鸚鵡厭聽聞
慵整落釵金翡翠
象梳欹鬢月生雲
錦屏綃幌麝煙

薰

後庭花

或加玉樹二字

鶯啼燕語芳菲節
瑞庭花發昔時歡
宴歌聲揭管弦清
越自從陵谷追遊
歇畫梁塵蹕傷心
一片如珪月閒

銷宮闈

輕盈舞伎含芳豔競妝新臉步搖珠翠修蛾歛膩鬟雲
染歌聲慢發開檀點繡衫斜掩時將纖手勻紅臉笑

拈金靨

越羅小袖新香清薄籠金釧倚闌無語搖輕扇半遮勻
面春殘日暝鶯嬌嬾滿庭花片爭不教人長相見畫
堂深院

菩薩蠻

梨花滿院飄香雪高樓夜靜風箏咽斜月照簾帷憶君

和夢稀 小窗燈影背燕語驚秋態屏掩斷香飛行雲

山外歸

繡簾高軸臨塘看雨翻荷芰真珠散殘暑晚初涼輕風
渡水香無憫悲往事爭那牽情思光影暗相催等閒
秋又來

天含殘碧融春色五陵薄倖無消息盡日掩朱門離愁
暗斷魂鶯啼芳樹暝燕拂回塘滿寂寞對屏山相思

醉夢間

清平樂

春光欲暮寂寞閒庭戶
粉蝶雙雙穿檻舞
簾卷晚天疎雨
含愁獨倚闌
幃玉爐煙斷香微
正是銷魂時節東風
滿院花飛

更漏子

秋色清河影淡淡
深戶燭寒光暗
綃幌碧錦衾紅
博山香炷融
更漏咽蛩鳴切
滿院霜華如雪
新月上薄雲收

映簾懸玉鈎

煙月寒秋夜靜漏轉金壺初永羅幕下繡屏空燈花結
碎紅人悄悄愁無了思夢不成難曉長憶得與郎期
竊香私語時

南歌子

一名望秦川
一名風蝶令

遠山愁黛碧橫波慢臉明膩香紅玉茜羅輕深院晚堂
人靜理銀箏鬢動行雲影幕遮點屐聲嬌羞愛問曲
中名楊柳杏花時節幾多情

惹恨還添恨牽腸即斷腸凝情不語一枝芳獨映畫簾

閒立繡衣香 暗想為雲女應憐傳粉郎晚來輕步出
閨房髻慢釵橫無力縱猖狂

木蘭花

掩朱扉鉤翠箔滿院鶯聲春寂寞勻粉淚恨檀郎一去
不歸花又落 對斜暉臨小閣前事豈堪重想著金帶
冷畫屏幽寶帳慵熏蘭麝薄

小重山

梁燕雙飛畫閣前寂寥多少恨嬾孤眠晚來閒處想君

憐紅羅帳金鴨冷沈煙 誰信損嬪娟倚屏啼玉筋溼
香鉢四支無力上鞦韆羣花謝愁對豔陽天

臨江仙

南齊天子寵蟬娟六宮羅綺三千潘妃嬌豔獨芳妍
椒房蘭洞雲雨降神仙 縱態迷歡心不足風流可惜當
年纖腰婉約步金蓮妖君傾國猶自至今傳

幽閨欲曙聞鶯囀紅窗月影微明好風頻謝落花聲隔
幃殘燭猶照綺屏第 繡被錦茵眠玉煖炷香斜嫋煙

輕淡蛾羞斂不勝情暗思閒夢何處逐行雲

御定全唐詩卷八百九十五

欽定四庫全書薈要卷一萬八千三百一集部

御定全唐詩卷八百九十六

李珣 五十首

漁父

水接衡門十里餘信船歸去卧看書輕爵祿慕玄虛莫道漁人只為魚

避世垂綸不記年，官高爭得似君閒。
傾白酒對青山笑，指柴門待月還。

櫂警鷗飛水濺袍影隨潭面柳垂縕終日醉絕塵勞曾見錢塘八月濤

南鄉子

煙漠漠雨淒淒岸花零落鷺鴟啼遠客扁舟臨野渡思鄉處潮退水平春色暮

蘭橈舉水支開競攜藤籠采蓮來回塘深處遙相見邀同宴涤酒一卮紅上面

歸路近扣舷歌采真珠處水風多曲岸小橋山月過煙

深鎖豆蔻花垂千萬朵

乘綵舫過蓮塘櫂歌驚起睡鴛鴦帶香遊女偎伴笑爭
窈窕競折團荷遮晚照

傾綠蟻泛紅瀛閒邀女伴簇笙歌避暑信船輕浪裏閒
游戲夾岸荔支紅蘸水

雲帶雨浪迎風釣翁回櫂碧灣中春酒香熟鱸魚美誰
同醉纜却扁舟蓬底睡

沙月靜水煙輕芰荷香裏夜船行綠鬟紅臉誰家女遙

相顧緩唱櫂歌極浦去

漁市散渡船稀越南雲樹望中微行客待潮天欲暮送
春浦愁聽猩猩啼瘴雨

攏雲髻背犀梳焦紅衫映綠羅裙越王臺下春風暖花
盈岸遊賞每邀鄰女伴

相見處晚晴天刺桐花下越臺前暗裏回眸深屬意遺
雙翠騎象背人先過水

擣籠去采菱歸碧波風起雨霏霏趁岸小船齊櫂急羅

衣溼出向枕根樹下立

雲髻重葛衣輕見人微笑亦多情拾翠采珠能幾許來
還去爭及村居織機女

登畫舸泛清波采蓮時唱采蓮歌攏櫂聲齊羅袖斂池
光颶驚起沙鷗八九點

雙髻墜小眉彎笑隨女伴下春山玉纖遙指花深處爭
回顧孔雀雙雙迎日舞

紅豆蔻紫玫瑰謝娘家接越王臺一曲鄉歌齊撫掌堪

遊賞酒酌瀛杯流水上

山果熟水花香家家風景有池塘木蘭舟上珠簾卷歌
聲遠椰子酒傾鸚鵡醕

新月上遠煙開慣隨潮水采珠來櫂穿花過歸溪口酷
春酒小艇纜牽垂岸柳

西溪子

金縷翠鈿浮動妝罷小窗圓夢日高時春已老人來到
滿地落花墉掃無語倚屏風泣殘紅一作離思正難緘燕喃喃

馬上見時如夢認得臉波相送柳堤長無限意夕陽裏
醉把金鞭欲墜歸去想嬌嬈暗魂銷

女冠子 二首

星高月午丹桂青松深處醮壇開金磬敲清露珠幢立
翠苔步虛聲縹渺想像思徘徊曉天歸去路指蓬萊
春山夜靜愁聞洞天疎磬玉堂虛細霧垂珠佩輕煙曳
翠裾對花情脈脈望月步徐徐劉阮今何處絕來書

中興樂

後庭寂寂日初長。翩翩蝶舞紅芳繡簾垂地金鴨無香。
誰知春思如狂憶簫郎。等閒一去程遙信斷五嶺三湘。
休開鸞鏡學宮妝。可能更理笙簧倚屏凝睇淚落成行。
手尋裙帶鴛鴦暗思量。忍孤前約教人花貌虛老風光。

酒泉子

寂寞青樓風觸繡簾珠碎撼月朦朧花暗澹鎖春愁。
尋思往事依稀夢淚臉露桃紅色重鬢欹蟬釵墜鳳思。

悠悠

雨漬花零紅散香凋池兩岸別情遙春歌斷掩銀屏
孤帆早晚離三楚閒理鉢箏愁幾許曲中情弦上語不
堪聽

秋雨連絲聲散敗荷叢裡那堪深夜枕前聽酒初醒
牽愁惹思更無停燭暗香凝天欲曙細和煙冷和雨透

簾旌

秋月蟬娟皎潔碧紗窗外照花穿竹冷沈沈印池心

凝露滴砌蛩吟驚覺謝娘殘夢夜深斜傍枕前來影徘徊

徊

浣溪沙

入夏偏宜澹薄妝越羅衣褪鬱金黃翠鈿檀注助容光
相見無言還有恨幾回判却又思量月窗香徑夢悠悠

颺

晚出閒庭看海棠風流學得內家妝小釵橫戴一枝芳
鏤玉梳斜雲鬢膩縷金衣透雪肌香暗思何事立殘

陽

訪舊傷離欲斷魂無因重見玉樓人六街微雨鏤香塵
早為不逢巫峽夢那堪虛度錦江春遇花傾酒莫辭
頻

紅藕花香到檻頻可堪閒憶似花人舊歡如夢絕音塵
翠疊畫屏山隱隱冷鋪文簟水潾潾斷魂何處一蟬
新

巫山一段雲

有客經巫峽停橈向水濱楚王曾此夢瑤姬一夢杳無期
塵暗珠簾卷香銷翠幄垂西風回首不勝悲暮雨灑空祠

古廟依青嶂行宮枕碧流水聲山色鎖妝樓往事思悠悠
雲雨朝還暮煙花春復秋啼猿何必近孤舟行客自多愁

菩薩蠻

回塘風起波文細刺桐花裏門斜閉殘日照平蕪雙雙

飛鷺鴟 征帆何處客相見還相隔不語欲魂銷望中

煙水遙

等閒將度三春景簾垂碧砌參差影曲檻日初斜杜鵑
啼落花 恨君容易處又話瀟湘去凝思倚屏山淚流

紅臉斑

隔簾微雨雙飛燕砌花零落紅深淺捻得寶箏調心隨
征櫂遙 楚天雲外路動便經年去香斷畫屏深舊歡

何處尋

漁歌子

楚山青湘水綠春風澹蕩看不足草芊芊花簇簇漁艇櫂歌相續信浮沈無管束釣回乘月歸灣曲酒盈尊雲滿屋不見人間榮辱

荻花秋瀟湘夜橘洲佳景如屏畫碧煙中明月下小艇垂綸初罷水為鄉蓬作舍魚羹稻飯常飧也酒盈杯書滿架名利不將心挂

柳垂絲花滿樹鶯啼楚岸春天暮櫂輕舟出深浦緩唱

漁郎歸去 罷垂綸還酌醑
孤村遙指雲遮處下長汀
臨深渡驚起一行沙鷺

九疑山三湘水蘆花時節秋
風起水雲間山月裏耀月
穿雲遊戲 鼓清琴傾綠蟻扁舟自得逍遙
志任東西無定止不議人間醒醉

望遠行

春日遲遲思寂寥行客闊山路遙
瓊窗時聽語鶯嬌柳絲牽恨一條條
休暈繡罷吹簫貌逐殘花暗凋同心

猶結舊羃腰忍孤風月度良宵

露滴幽庭落葉時愁聚蕭娘柳眉玉郎一去負佳期水
雲迢遞雁書遲屏半掩枕斜欹蠟淚無言對垂吟蛩
斷續漏頻移入窗明月鑒空幃

河傳

去去何處迢迢巴楚山水相連朝雲暮雨依舊十二峰
前緩聲到客船愁腸豈異丁香結因離別故國音書
絕想佳人花下對明月春風恨應同

春暮微雨送君南浦愁飲雙蛾落花深處啼鳥似逐離
歌粉檀珠淚和臨流更把同心結情哽咽後會何時
節不堪回首相望已隔汀洲櫓聲幽

虞美人

金籠鶯報天將曙驚起分飛處夜來潛與玉郎期多情
不覺酒醒遲失歸期映花避月遙相送膩髻偏垂鳳
却回嬌步入香闈倚屏無語撫雲篦翠眉低

臨江仙

簾卷池心小閣虛暫涼閒步徐徐芙蓉經雨半凋疎拂
堤垂柳蟬噪夕陽餘不語低鬟幽思遠玉釵斜墜雙
魚幾回偷看寄來書離情別恨相隔欲何如

鶯報簾前暖日紅玉爐殘麝猶濃起來閨思尚疎慵引
愁春夢誰解此情悰彊整嬌姿臨寶鏡小池一朶芙蓉
舊歡無處再尋蹤更堪回顧屏畫九疑峰

定風波 五首

志在煙霞慕隱淪功成歸看五湖春一葉舟中吟復醉

雲水此時方認自由身 花島為鄰鷗作侶深處經年
不見市朝人已得希夷微妙旨潛喜荷衣蕙帶絕纖塵
十載逍遙物外居白雲流水似相於乘興有時攜短櫂
江島誰知求道不求魚 到處等閒邀鶴伴春岸野花
香氣撲琴書更飲一杯紅霞酒回首半鉤新月貼清虛
又見辭巢燕子歸阮郎何事絕音徽簾外西風黃葉落
池閣隱莎蛩叫雨霏霏 愁坐奠程千萬里頻跂等間
經歲兩相違聽鵠憑龜無定處不知淚痕流在畫羅衣

雁過秋空夜未央
隔窗烟月鎖蓮塘
往事豈堪容易想
惆悵故人迢遞在瀟湘
縱有回文重疊意誰寄解鬟
臨鏡泣殘妝沈水香消金鴨冷
愁永候蟲聲接杵聲長
簾外煙和月滿庭此時閒坐若為情
小閣擁爐殘酒醒
愁聽寒風葉落一聲聲
惟恨玉人芳信阻
雲雨屏帷寂寞夢難成
斗轉更闌心杳杳
將曉銀缸斜照綺琴橫

歐陽炯

四十首

南歌子

錦帳銀燈影紗窗玉漏聲迢迢
永夜夢難成愁對小庭秋色月空明

漁父

擺脫塵機上釣船免教榮辱有流年無繫絆沒愁煎須信船中有散仙

風浩寒溪照膽明小君山上玉蟾生荷露墜翠烟輕撥刺游魚幾箇驚

巫山一段雲

絳闕登真子飄飄御綵鸞碧虛風雨佩光寒斂袂下雲
端月帳朝霞薄星冠玉藥攢遠遊蓬島降人間特地
拜龍顏

春去秋來也愁心似醉醺去時邀約早回輪及去又何
曾歌扇花光點衣珠滴淚新恨身飄不作車塵萬里
得隨君

春光好 九首

天初暖日初長好春光萬彙此時皆得意競芬芳 简

近苔錢嫩綠花偎雪塢濃香誰把金絲裁翦却挂斜陽
花滴露柳搖煙豔陽天雨霽山櫻紅欲爛谷鶯遷飲
處交飛玉韁遊時倒把金鞭風颭九衢榆葉動簇青錢
胷鋪雪臉分蓮理繁弦纖指飛翻金鳳語轉蟬娟 嘚
噴如敲玉佩清泠似滴香泉曲罷問郎名箇甚想夫憐
磧香散渚冰融暖空濛飛絮悠揚徧虛空惹輕風 柳
眼煙來點綠花心日與妝紅黃雀錦鸞相對舞近簾櫳
雞樹綠鳳池清滿神京玉兔宮前金榜出列仙名 疊

雪羅袍接武團花駿馬嬌行開宴錦江遊爛漫柳煙輕
芳叢繡綠筵張兩心狂空遣橫波傳意緒對笙簧雖
似安仁擲果未聞韓壽分香流水桃花情不已待劉郎
垂繡幔掩雲屏思盈盈雙枕珊瑚無限情翠釵橫幾
見纖纖動處時聞款款嬌聲却出錦屏妝面了理秦箏
金轡響玉鞭長映垂陽堤上采花筵上醉滿衣香無
處不攜弦管直應占斷春光年少王孫何處好競尋芳
蘋葉嫩杏花明畫船輕雙浴鴛鴦出綠汀櫂歌聲春

水無風無浪春來半雨半晴紅粉相隨南浦晚莫辭行

西江月

一名白蘋香
一名步虛詞

月映長江秋水分明冷浸星河淺沙汀上白雲多雪散
幾叢蘆葦扁舟倒影寒潭煙光遠罩輕波笛聲何處
響漁歌兩岸蘋香暗起

水上鴛鴦比翼巧將繡作羅衣鏡中重畫遠山眉春睡
起來無力細雀穩簪雲髻含羞時想佳期臉邊紅艷
對花枝猶占鳳樓春色

赤棗子

夜悄悄燭熒熒金爐香盡酒初醒春睡起來回雪面含羞不語倚雲屏

蓮臉薄柳眉長等閒無事莫思量每一見時明月夜損人情思斷人腸

女冠子

二首

薄妝桃臉滿面縱橫花靨豔情多綬帶盤金縷輕裙透碧羅含羞眉作斂微語笑相和不會頻偷眼意如何

秋宵秋月一朶荷花初發照前池搖曳熏香夜嬋娟對
鏡時 藥中千點淚心裏萬條絲恰似輕盈女好風姿

更漏子

玉闌干金甃井月照碧梧桐影獨自箇立多時露華濃
溼衣 一向凝情望待得不成模樣雖叵耐又尋思爭
生嗔得伊

三十六宮秋夜永露華點滴高梧丁丁玉漏咽銅壺明
月上金鋪 紅線毯博山爐香風暗觸流蘇羊車一去

長青蕪鏡塵鸞綵孤

定風波

暖日閒窗映碧紗小池春水浸晴霞數樹海棠紅欲盡
爭忍玉閨深掩過年華 獨凭繡牀方寸亂腸斷淚珠
穿破臉邊花鄰舍女郎相借問音信教人羞道未還家

木蘭花

兒家夫婿心容易身又不來書不寄閒庭獨立鳥闊闊
爭忍拋奴深院裏 憶向綠紗牕下睡睡又不成愁已

至今年却憶去年春同在木蘭花下醉

日照玉樓花似錦樓上醉和春色寢綠楊風送小鶯聲
殘夢不成離玉枕堪愛晚來韶景甚寶柱秦箏方再
品青蛾紅臉笑來迎又向海棠花下飲

春早玉樓煙雨夜簾外櫻桃花半謝錦屏香冷繡衾寒
招悵憶君無計舍侵曉鵲聲來砌下鸞鏡殘妝紅粉
罷黛眉雙點不成描留待玉郎歸日畫

清平樂

春來街砌春雨如絲細春地滿飄紅杏蒂春燕舞隨風勢春幡細縷春繒春闌一點春燈自是春心撩亂非
干春夢無憑

菩薩蠻

曉來中酒和春睡四支無力雲鬟墜斜臥臉波春玉郎
休惱人日高猶未起為戀鴛鴦被鸚鵡語金籠道兒
還是慵

紅爐暖閣佳人睡隔簾飛雪添寒氣小院奏笙歌香風

簇綺羅 酒傾金釀滿蘭燭重開宴公子醉如泥天街
聞馬嘶

翠眉雙臉新妝薄幽閨斜卷青羅幙寒食百花時紅繁
香滿枝 雙雙梁燕語蝶舞相隨去腸斷正思君閒眠
冷繡茵

畫屏繡閣三秋雨香脣膩臉偎人語語罷欲天明嬌多
夢不成 晓街鐘鼓絕噴道如今別特地氣長吁倚屏
彈淚珠

落絮殘鶯半日天玉柔花醉只思眠惹窗映竹滿爐煙
獨掩畫屏愁不語斜欹瑤枕髻鬟偏此時心在阿誰
邊

天碧羅衣拂地垂美人初著更相宜宛風如舞透香肌
獨坐含嚬吹鳳竹園中緩步折花枝有情無力泥人
時

相見休言有淚珠酒闌重得叙歡娛鳳屏鴛枕宿金鋪

蘭麝細香聞喘息綺羅纖縷見肌膚此時還恨薄情

無

三字令

春欲盡日遲遲牡丹時羅幌卷翠簾垂彩牋書紅粉淚
兩心知人不在燕空歸負佳期香燼落枕函欹月分明
花澹薄惹相思

南鄉子

嫩草如煙石榴花發海南天日暮江亭春影綠鴛鴦浴

水遠山長看不足

畫舸停橈槿花籬外竹橫橋水上遊人沙上女回顧笑
指芭蕉林裏住

岸遠沙平日斜歸路晚霞明孔雀自憐金翠尾臨水認
得行人驚不起

洞口誰家木蘭船繫木蘭花紅袖女郎相引去遊南浦
笑倚春風相對語

二八花钿脣前如雪臉如蓮耳墜金鬟穿瑟瑟霞衣窄

笑倚江頭招遠客

路入南中桃根葉暗蓼花紅兩岸人家微雨後收红豆
樹底纖纖擡素手

袖斂鮫綃采香深洞笑相邀藤杖枝頭蘆酒滴鋪葵席
豆蔻花間趁晚日

翡翠鶼鵠白蘋香裏小沙汀島上陰陰秋雨色蘆花撲
數隻漁船何處宿

獻衷心

見好花顏色爭笑東風雙臉上晚妝同閉小樓深閣春
景重重三五夜偏有恨月明中情未已信曾通滿衣
猶自染檀紅恨不如雙燕飛舞簾櫳春欲暮殘絮盡柳
條空

賀明朝

憶昔花間初識面紅袖半遮妝臉輕轉石榴裙帶故將
纖纖玉指偷撚雙鳳金線碧梧桐鎖深深院誰料得
兩情何日教繾綣羨春來雙燕飛到玉樓朝暮相見

憶昔花間相見後只憑纖手暗拋红豆人前不解巧傳
心事別來依舊孤負春晝碧羅衣上蹙金繡覩對對
鴛鴦空裏淚痕透想韶顏非久終是為伊只憑偷瘦

江城子

晚日金陵岸草平落霞明水無情六代繁華暗逐逝波
聲空有姑蘇臺上月如西子鏡照江城

鳳樓春

鳳髻綠雲叢深掩房櫳錦書通夢中相見覺來慵勻面

淚臉珠融因想王郎何處去對淑景誰同 小樓中春
思無窮倚闌凝望闇牽愁緒柳花飛起東風斜日照簾
羅幌香冷粉屏空海棠零落鶯語殘紅

歐陽彬

蜀左丞詞一首

生查子

竟日畫堂歡入夜重開宴翦燭蠟煙香促席花光顫
待得月華來滿院如鋪練門外簇驛駘直待更深散

御定全唐詩卷八百九十六

欽定四庫全書

欽定四庫全書
蒼要卷一萬八千三百二

集部

御定全唐詩卷八百九十七

閻選

後蜀處士
詞十首

虞美人

粉融紅膩蓮房綻臉動雙波慢小魚銜玉鬢釵橫石榴
席染象紗輕轉娉婷偷期錦浪荷深處一夢雲兼雨
臂留檀印齒痕香深秋不寐漏初長儘思量

楚腰蛴領團香玉鬢疊深深綠月娥星眼笑微頻柳夭

桃鑿不勝春晚妝勻 水紋簾映青紗帳霧罩秋波上
一枝嬌卧醉芙蓉良宵不得與君同恨忡忡

臨江仙

雨停荷芰逗濃香岸邊蟬噪垂楊物華空有舊池塘不
逢仙子何處夢襄王 珍簟對欹鴛枕冷此來塵暗淒
涼欲憑危檻恨偏長鶯花珠綴猶似汗凝妝

十二高峯天外寒竹稍輕拂仙壇寶衣行雨在雲端畫
簾深殿香霧冷風殘 欲問楚王何處去翠屏猶掩金

驚猿啼明月照空灘孤舟行客驚夢亦艱難

浣溪沙

寂寞流蘇冷繡茵倚屏山枕惹香塵小庭花露泣濃春
劉阮信非仙洞客嫦娥終是月中人此生無路訪東

鄰

八拍蠻

雲鎖嫩黃煙柳細風吹紅蒂雪梅殘光影不勝閨閣恨

行行坐坐黛眉攢

愁鑠黛眉煙易慘淚飄紅臉粉難勻憔悴不知緣底事
遇人推道不宜春

河傳

秋雨秋雨無晝無夜滴滴霏霏暗燈涼簾怨分離妖姬
不勝悲 西風稍急喧窗竹停又續膩臉懸雙玉幾回
邀約雁來時違期雁歸人不歸

謁金門

美人浴碧沼蓮開芬馥雙髻綰雲顏似玉素娥輝淡綠

雅態芳姿閒淑雪映鉢裝金斛水濺青絲珠斷續酥

融香透肉

定風波

江水沉沈帆影過游魚到晚透寒波渡口雙雙飛白鳥
煙嫋蘆花深處隱漁歌扁舟短櫂歸蘭浦人去蕭蕭
竹徑透青莎深夜無風新雨歇涼月露迎珠顆入圓荷

孫光憲

八十首

竹枝

門前春水

仔

白蘋花

女

岸上無人

竹

小艇斜

女

商女經

兒

過枝

行

江欲暮

女

散拋殘食

竹

飼神鷗

女

亂繩千結

竹

紺人深

女

越羅萬丈

竹

表長尋

女

楊柳在

身行

垂意緒

女

藕花落盡

竹

見蓮心

女

浣溪沙

蓼岸風多橘柚香江邊一望楚天長片帆煙際閃孤光
目送征鴻飛杳杳思隨流水去茫茫蘭紅波碧憶瀟

湘

桃杏風香簾幕閒謝家門戶約花闌畫梁幽語燕初還
繡閣數行題了壁曉屏一枕酒醒山却疑身是夢雲
間

花漸凋疎不耐風畫簾垂地晚堂空墮瑣繁鮮舞愁紅
膩粉半黏金麝子殘香猶暖繡熏籠蕙心無處與人
同

攬鏡無言淚欲流凝情半日嬾梳頭一庭疎雨溼春愁
楊柳祇知傷怨別杏花應信損嬌羞淚霑魂斷軫離

憂

半踏長裾宛約行晚簾疎處見分明此時堪恨昧平生
早是鎖魂殘燭影更愁聞著品弦聲杳無消息若為

情

蘭沐初休曲檻前暖風遲日洗頭天濕雲新斂未梳蟬
翠袂半將遮粉臆寶釵長欲墜香肩此時模樣不禁

憐

風遞殘香出繡簾團窠金鳳舞襜襜落花微雨恨相兼

何處去來狂太甚空推宿酒睡無厭爭教人不別猜
嫌

輕打銀箏墜燕泥斷絲高胥畫樓西花冠間上午牆啼
粉籜半開新竹逕紅苞盡落舊桃蹊不堪終日閉深

閨

烏帽斜欹倒佩魚靜街偷步訪仙居隔牆應認打門初
將見客時微掩歛得人憐處且生疎低頭羞問壁邊

書

風撼芳菲滿院香四簾慵卷日初長鬢雲垂枕嚮微鍾
春夢未成愁寂寂佳期難會信茫茫萬般心千點淚

泣蘭堂

碧玉衣裳白玉人翠眉紅臉小腰身瑞雲飛雨逐行雲
除却弄珠兼解佩便隨西子與東鄰是誰容易比真

眞

何事相逢不展眉苦將情分惡猜疑眼前行止想應知
半恨半嗔回面處和嬌和淚泥人時萬般饒得為憐

伊

落絮飛花滿帝城。看看春盡又傷情。
歲華頻度想堪驚。風月空惟今日恨。
煙霄終待此身榮。未甘虛老負平生。

生

靜想離愁暗淚零。欲棲樓雲雨計。
難成少年多是薄情人。萬種保持圖永遠。
一般模樣負神明。到頭何處問平生。

試問於誰分最多。便隨人意轉。
橫波縷金衣上小雙鶼。

醉後愛稱嬌姐姐夜來留得好哥哥不知情事久長

麼

葉墜空階折早秋細煙輕霧鎖妝樓寸心雙淚慘嬌羞
風月但牽魂夢苦歲華偏感別離愁恨和相憶兩難

酬

月淡風和畫閣深露桃煙柳影相侵歛眉凝緒夜沈沈
長有夢魂迷別浦豈無春病入離心少年何處戀虛

襟

自入春來月夜稀今宵蟾彩倍凝輝強開襟抱出簾帷
醫指暗思花下約凭闌羞覩淚痕衣薄情狂蕩幾時
歸

十五年來錦岸遊未曾行處不風流好花長與萬金酬
滿眼利名渾信運一生狂蕩恐難休且陪煙月醉紅
樓

河傳

太平天子等閒遊戲疏河千里柳如絲偎倚綠波春水

長淮風不起 如花殿脚三千女爭雲雨何處留人住

錦帆風煙際紅燒空魂迷大業中

柳拖金縷著煙籠霧濛濛落絮鳳皇舟上楚女妙舞雷
喧波上鼓 龍爭虎戰分中土人無主桃葉江南渡
襞化牋艷思牽成篇宮娥相與傳

花落煙薄謝家池閣寂寞春深翠蛾輕歛意沈吟霑襟
無人知此心 玉爐香斷霜灰冷簾鋪影梁燕歸紅杏
晚來天空悄然孤眠枕檀雲髻偏

風颭波斂團荷閃閃珠傾露點木蘭舟上何處吳娃越
豔藕花紅照臉大堤狂殺襄陽客煙波隔渺渺湖光
白日已歸心不歸斜暉遠汀鷺鷗飛

菩薩蠻

月華如水籠香砌金鐶碎撼門初閉寒影墮高簷鉤垂
一面簾碧煙輕嫋嫋紅戰燈花笑即此是高唐掩屏

秋夢長

花冠頻鼓牆頭翼東方澹白連窗色門外早鶯聲背樓

殘月明 薄寒籠醉態依舊鉛華在握手送人歸半拖

金縷衣

小庭花落無人掃疎香滿地東風老春晚信沈沈天涯
何處尋 晓堂屏六扇看共湘山遠爭奈別離心近來
尤不禁

青嵒碧洞經朝雨隔花相喚南溪去一隻木蘭船波平
遠浸天 扣船驚翡翠嫩玉檣香臂紅日欲沈西煙中

遙解鶻

木綿花映叢祠小
越禽聲裏春光曉
銅鼓與蠻歌南人
祈賽多
客帆風正急
茜袖偎牆立
極浦幾回頭
煙波無限愁

河瀆神

汾水碧依依
黃雲落葉初
飛翠娥一去不言歸
廟門空掩斜暉
四壁陰森排古畫
依舊瓊輪羽駕小
殿沈沈清夜銀燈飄落香
池

江上草芊芊
春晚湘妃廟前一方卵色楚
南天數行斜

雁聯翩 獨倚朱闌情不極
魂斷終朝相憶兩槩不知
消息遠汀時起鷓鴣

虞美人

紅窗寂寂無人語 暗淡梨花雨
繡羅紋地粉新描 博山
香炷旋抽條睡魂銷 天涯一去無消息
終日長相憶 教人相憶幾時休
不堪帳觸別離愁 淚還流
好風微揭簾旌起 金翼鸞相倚
翠簷愁聽乳禽聲 此時
春態暗闊情獨難平 畫堂流水空相翳
一穗香搖曳

教人無處寄相思落花芳草過前期沒人知

後庭花

景陽鐘動宮鶯轉露涼金殿輕飈吹起瓊花綻玉葉如剪晚來高閣上珠簾卷見墜香千片修蛾慢臉陪雕輦後庭新宴

石城依舊空江國故宮春色七尺青絲芳草綠絕世難得玉英凋落盡更何人識野棠如織只是教人添怨憶悵望無極

生查子

寂寞掩朱門。正是天將暮。暗澹小庭中。滴滴梧桐雨。
繡工夫。牽心緒。配盡鴛鴦縷。待得沒人時。偎倚論私語。
暖日策花驄。蟬韙垂楊陌。芳草惹煙青。落絮隨風白。
誰家繡轂動香塵。隱映神仙客。狂殺玉鞭郎。咫尺音容隔。

金井墮高梧。玉殿籠斜月。永巷寂無人。斂態愁堪絕。
玉爐寒香燼滅。還似君恩歇。翠輦不歸來。幽恨將誰說。

春病與春愁何事年年有半為枕前人半為花間酒
醉金尊攜玉手共作鴛鴦偶倒載卧雲屏雪面腰如柳
為惜美人嬌長有如花笑半醉倚紅妝轉語傳青鳥
眷方深憐恰好唯恐相逢少似這一般情肯信春光老
清曉牡丹芳紅豔凝金蘂乍占錦江春永認笙歌地
感人心為物瑞爛漫煙花裏戴上玉釵時迴與凡花異
密雨阻佳期盡日凝然坐簾外正淋漓不覺愁如鎖
夢難裁心欲破淚逐簷聲墮想得玉人情也合思量我

臨江仙

霜柏井梧乾葉墜翠幃雕檻初寒薄鉛殘黛稱花冠含情無語延佇倚闌干杳杳征輪何處去離愁別恨千般不堪心緒正多端鏡奩長掩無意對孤鸞

暮雨淒淒深院閑燈前凝坐初更玉釵低壓鬢雲橫半垂羅幕相映燭光明終是有心投漢珮低頭但理秦箏燕雙鸞偶不勝情只愁明發將逐楚雲行

酒泉子

空牘無邊萬里陽關道路馬蕭蕭人去去隴雲愁香
貂舊製戎衣窄胡霜千里白綺羅心魂夢隔上高樓
曲檻小樓正是鶯花二月思無憇愁欲絕鬱離襟展
屏空對瀟湘水眼前千萬里淚掩紅眉斂翠恨沈沈
斂態窗前嫋嫋雀釵拋頸燕成雙鸞對影偶新知玉
纖澹拂眉山小鏡中嗔共照翠連娟紅縹渺早妝時

清平樂

愁腸欲斷正是青春半連理分枝鶯失伴又是一場離

散掩鏡無語眉低思隨芳草淒淒憑仗東風吹夢與

郎終日東西

等閒無語春恨如何去終是疎狂留不住花暗柳濃何處盡日目斷魂飛晚窗斜界殘暉長恨朱門薄暮繡

鞍驄馬空歸

更漏子

聽寒更聞遠雁半夜蕭娘深院扃繡戶下珠簾滿庭噴

玉蟾人語靜香闌冷紅幕半垂清影雲雨態蕙蘭心

此情江海深

今夜期來日別相對祇堪愁絕偎粉面撚瑤簪無言淚
滿襟 銀箭落霜華薄墻外曉雞咿喔聽付屬惡情悰
斷腸西復東

燭熒煌香旖旎閒放一堆鴛被慵就寢獨無憊相思魂
欲銷 不會得這心力判了依前還憶空自怨奈伊何
別來情更多

掌中珠心上氣愛惜豈將容易花下月枕前人此生誰

更親 交頸語合歡身便同比目金鱗連繡枕卧紅茵
霜天似暖春

對秋深離恨苦數夜滿庭風雨凝想坐歛愁眉孤心似
有違 紅窗靜畫簾垂魂消地角天涯和淚聽斷腸窺
漏移燈暗時

求君心風韻別渾似一團煙月歌皓齒舞紅籌花時醉
上樓 能婉媚解嬌羞王孫忍不攀留惟我恨未綢繆
相思魂夢愁

女冠子 二首

蕙風芝露壇際殘香輕度藥珠宮苔點分圓碧桃花踐
破紅品流巫峽外名籍紫微中真侶墉城會夢魂通
淡花瘦玉依約神仙妝束佩瓊文瑞露通宵貯幽香盡
日焚碧紗籠絳節黃鸝冠濃雲勿以吹簫伴不同羣

風流子

茅舍槿籬溪曲雞犬自南自北菰葉長水漁開門外春
波漲滌聽織聲促軋軋鳴梭穿屋

樓倚長衢欲暮。曾見神仙伴侶。微傳粉籠梳頭。隱映畫簾開處。無語無緒。慢曳羅裙歸去。

金絡玉銜嘶馬繫向綠楊陰下。朱戶掩繡簾垂曲院水。流花謝。歡罷歸也。猶在九衢深夜。

定西番

雞祿山前遊騎邊。草白朔天明。馬蹄輕。鶻面弓離短。韁彎來月。欲成一隻鳴鶻。雲外曉鴻驚。

帝子枕前秋夜霜幄冷。月華明正三更。何處戍樓寒。

笛夢殘聞一聲遙想漢闕萬里淚縱橫

何滿子

冠劍不隨君去江河還共恩深歌袖半遮眉黛慘淚珠
旋滴衣襟惆悵雲愁雨怨斷魂何處相尋

玉蝴蝶

春欲盡景仍長滿園花正黃粉翅兩悠颺翩翩過短牆
鮮飈暖牽遊伴飛去立殘芳無語對蕭娘舞衫沈麝

香

八拍蠻

孔雀尾拖金線長
怕人飛起入丁香
越女沙頭爭拾翠
相呼歸去背斜陽

思帝鄉

如何遣情情更多
永日水堂簾下斂羞蛾
六幅羅裙窄
地微行曳碧波看盡滿池蹠
雨打團荷

上行杯

草草離亭鞍馬從遠道
此地分襟燕宋秦
吳干萬里

無辭一醉野棠開江草溼佇立霑泣征騎駸駸

離櫂逡巡欲動臨極浦故人相送去住心情知不共
金船滿捧綺羅愁絲管咽回別帆影滅江浪如雪

謁金門

留不得留得也應無益白紵春衫如雪色揚州初去日
輕別離甘拋擲江上滿帆風疾却羨綵鴛三十六孤
鸞還一隻

思越人

古臺平芳草遠館娃宮外春深翠黛空留千載恨教人
何處相尋 繺羅無復當時事露花點滴香淚惆悵遙
天橫添水鴛鴦對對飛起

諸蓮枯宮樹老長洲廢苑蕭條想像玉人空處所月明
獨上溪橋 經春初敗秋風起紅蘭綠蕙死一片風
流傷心地魂銷目斷西子

望梅花

數枝開與短牆平見雪萼紅跗相映引起誰人邊塞情

簾外欲三更吹斷離愁月正明空聽隔江聲

漁歌子

草芊芊波漾漾湖邊草色連波漲汎蓼岸泊楓汀天際
玉輪初上扣舷歌聰極望槳聲伊軋知何向黃鵠叫
白鷗眠誰似儂家疎曠

泛流螢明又滅夜涼水冷東灣閑風浩浩笛寥寥萬頃
金波重疊杜若洲香郁烈一聲宿雁霜時節經霅水
過松江盡屬儂家日月

定風波

簾拂疎香斷碧絲淚衫還滴繡黃鸝上國獻書人不在
凝黛晚庭又是落紅時春日自長心自促翻覆年來
年去負前期應是秦雲兼楚雨留住向花枝誇說月中
枝

南歌子

豔冶青樓女風流似楚真驪珠美玉未為珍窈窕一枝
芳柳入腰身舞袖頻回雪歌聲幾動塵慢凝秋水顧

情人祇緣傾國著處覺生春

映月論心處
偎花見面時
倚郎和袖撫香肌
遙指畫堂深院許相期
解佩君非晚
虛襟我未遲
願如連理合歡枝
不似五陵狂蕩薄情兒

應天長

翠凝仙豔非凡有
窈窕年華方十九
鬢如雲腰似柳妙對
綺弦歌醸酒醉瑤臺
攜玉手共燕此宵相偶
魂斷晚窗分首淚沾金縷袖

遐方怨

紅綬帶錦香囊
為表花前意
慙贈玉郎此時更役心
腸轉添秋夜夢
魂狂思豔質想嬌妝
願盜傳金盞同歡
卧醉鄉任人猜
妬惡猜防到頭須使似鴛鴦

謹案卷八百九十五第十二頁後五行滿庭花片

按歷代詩餘花片作花綻

卷八百九十六第二頁前二行帶香遊女偎伴笑

按詞綜作遊女帶香偎伴笑

卷八百九十七第十六頁後四行想像玉人空處

所按歷代詩餘空處作何處

欽定四庫全書





總校官庶吉士臣張能照
校對官中書臣張 墪

謄錄監生臣王朝寧

欽定四庫全書叢要

集部

御定全唐詩卷八百九十八至九百

詳校官原任主事臣李斯咏

卷八百九十八

欽定四庫全書
唐詩卷八百九十八

集部

御定全唐詩卷八百九十八

張泌

二十

七首

浣溪沙

鉢轂香車過柳堤
桺煙分處馬頻嘶
為他沈醉不成泥
花滿驛亭香露細
杜鵑聲斷玉蟾低
含情無語倚樓

西

馬上凝情憶舊遊
照花淹竹小溪流
鉢箏羅幕玉搔頭

愁

早是出門長帶月可堪分袂又經秋晚風斜日不勝

獨立寒階望月華露濃香泛小庭花繡屏愁背一燈斜
雲雨自從分散後人間無路到仙家但憑魂夢訪天涯

涯

依約殘眉理舊黃翠鬟拋擲一簪長暖風晴日罷朝妝
閒折海棠看又撫玉纖無力惹餘香此情誰會倚斜

陽

翡翠屏開繡幄紅謝娥無力曉妝慵錦帷鴛被宿香濃
微雨小庭春寂寞燕飛鶯語隔簾櫳杏花凝恨倚東風

花月香寒悄夜塵綺筵幽會暗傷神嬋娟依約畫屏人
人不見時還暫語令纔拋後愛微嚬越羅巴錦不勝
春

偏戴花冠白玉簪睡容新起意沈吟翠鈿金縷鎮眉心
小檻日斜風悄悄隔簾零落杏花陰斷香輕碧鎖愁

深

晚逐香車入鳳城東風斜揭繡簾輕慢回嬌眼笑盈盈
消息未通何計是便須佯醉且隨行依稀聞道太狂

生

小市東門欲雪天衆中依約見神仙藥黃香畫貼金蟬
飲散黃昏人草草醉容無語立門前馬嘶塵烘一街

煙

臨江仙

煙收湘渚秋江靜蕉花露泣愁紅五雲雙鶴去無蹤幾
回魂斷凝望向長空翠竹暗留珠淚怨閒調寶瑟波
中花鬟月鬢綠雲重古祠深殿香冷雨和風

女冠子

露花煙草寂寞五雲三島正春深貌減潛銷玉香殘尚
惹襟竹疎虛檻靜松密醮壇陰何事劉郎去信沈沈

河傳

渺莽雲水惆悵暮帆去程迢遞夕陽芳草千里萬里雁

聲無限起夢魂悄斷煙波裏心如醉相見何處是錦

屏香冷無睡被頭多少淚

紅杏交枝相映密密濛濛一庭濃豔倚東風香融透簾
櫳斜陽似共春光語蝶爭舞更引流鶯妬魂銷千片

玉樽前神仙瑤池醉暮天

酒泉子

春雨打窗驚夢覺來天氣曉畫堂深紅淡小背蘭缸

酒香噴鼻嬾開缸惆悵更無人共醉舊巢中新燕子語

雙雙

柴陌青門三十六宮春色御溝輦路暗相通杏園風
咸陽沽酒寶釵空笑指未央歸去挿花走馬落殘紅月

明中

生查子

相見稀喜相見相見還相遠檀畫荔支紅金蔓蜻蜓軟
魚雁疎芳信斷花落庭陰晚可惜玉肌膚消瘦成慵

嬾

思越人

燕雙飛鶯百囀
越波堤下長橋闢
鈿花筐金匣恰舞衣
羅薄纖腰 東風澹蕩慵無力
黛眉愁聚春碧滿地落
花無消息月明腸斷空憶

滿宮花

花正芳樓似綺寂
寂寞上陽宮裏鈿籠金鎖睡
鴛鴦簾冷露華珠翠 嬌豔輕盈香雪膩
細雨黃鶯雙起東風惆
悵欲清明公子橋邊沈醉

柳枝

膩粉瓊妝透碧紗
雪休誇金鳳搔頭墜
鬢斜髮交加
倚著雲屏新睡覺
思夢笑紅顛隱出枕函花有些些

南歌子

柳色遮樓暗
桐花落砌香
畫堂開處遠
風涼高卷水精簾
額襯斜陽

岸柳拖烟綠
庭花照日紅
數聲蜀魄入簾櫳
驚斷碧窗殘夢
畫屏空

錦薦紅鷓鴣羅衣繡鳳皇綺疎飄雪北風狂簾幕盡垂
無事鬱金香

江城子

碧闌干外小中庭雨初晴曉鶯聲飛絮落花時節近清明睡起卷簾無一事勻面了沒心情

浣花溪上見卿卿臉波秋水明黛眉輕綠雲高綰金簇
小蜻蜓好事問他來得麼和笑道莫多情

窄羅衫子薄羅裙小腰身晚妝新每到花時長是不宜

春蚕是自家無氣力更被你惡憐人

河瀆神

古樹噪寒鴉滿庭楓葉蘆花晝燈當午隔輕紗畫閣珠簾影斜
門外往來祈賽客翩翩帆落天涯回首隔江煙火渡頭三兩人家

蝴蝶兒

蝴蝶兒晚春時阿嬌初著淡黃衣倚窗學畫伊還似
花間見雙雙對對飛無端和淚拭燕脂惹教雙翅垂

馮延巳

七十一
首

如夢令

塵拂玉臺鸞鏡鳳旛不堪重整綃帳泣流蘇愁掩玉屏
人靜多病多病自是行雲無定

三臺令

春色春色依舊青門紫陌日斜柳暗花嫣醉卧春色少
年年少年少行樂直須及早

明月明月照得離人愁絕更深影入空牀不道帷屏夜

長長夜長夜夢到庭花陰下

南浦南浦翠鬟離人何處當時攜手高樓依舊樓前水流流水流水中有傷心雙淚

歸國謡

何處笛深夜夢回情脈脈竹風簷雨寒窗隔離人幾歲無消息今頭白不眠特地重相憶

春豔豔江上晚山三四點柳絲如剪花如染香閨寂寂門半掩愁眉斂淚珠滴破臘脂臉

江水碧江上何人吹玉笛扁舟遠送瀟湘客蘆花千里霜月白傷行色來朝便是關山隔

長相思

紅滿枝綠滿枝宿雨厭厭睡起遲閒庭花影移憶歸期數歸期夢見雖多相見稀相逢知幾時

相見歡

曉窗夢到昭華向瓊家欹枕殘妝一朶卧枝花情極處却無語玉釵斜翠閣銀屏回首已天涯

拋球樂

酒罷歌餘興未闌小橋清水共盤桓波搖梅葉傷心白
風入羅衣貼體寒且莫思歸去須盡笙歌此夕歡

逐勝歸來雨未晴樓前風重草煙輕谷鶯語軟花邊過
水調聲長醉裏聽欸舉金觥勸誰是當筵最有情

梅落新春入後庭眼前風物可無情曲池波晚冰還合
芳草迎船綠未成且上高樓望相共凭闌看月生

霜積秋山萬樹紅倚巖樓上掛朱櫳白雲天遠重重恨

黃葉煙深淅淅風，鬢梁州曲吹在誰家。
玉笛中

盡日登高興未殘，紅樓人散獨盤桓。
一鉤冷霧懸珠箔，滿面西風凭玉闌。
歸去須沈醉，小院新池月乍寒。

坐對高樓千萬山，鴈飛秋色滿闌干。
燒殘紅燭暮雲合，飄盡碧梧金井寒。
咫尺人千里，猶憶笙歌昨夜歡。

點絳唇

蔭綠圍紅夢，瓊家在桃源。
住畫橋、當路臨水，開朱戶。
柳徑春深行到關，情處顰不語。
意憑風絮吹向郎，邊去

酒泉子

庭下花飛月照妝樓春事晚珠簾風蘭燭爐怨空閨
迢迢何處寄相思玉筋零零腸斷屏幃深更漏永夢魂迷

芳草長川柳映危橋橋下路歸鴻飛行人去碧山邊
風微煙淡雨蕭然隔岸馬嘶何處九回腸雙臉淚夕陽天

青色融融飛燕乍來鶯未語小桃寒垂柳晚玉樓空

天長煙遠恨重重消息燕鴻歸去枕前燈窗外月閉朱籠

深院空幃廊下風簾驚宿燕香印灰蘭燭她覺來時
月明人自擣寒衣剛愛無端惆悵階前行闌外立欲雞啼

采桑子

小庭雨過春將盡片片花飛獨折殘枝無語凭闌祇自知
玉堂香緩珠簾卷雙燕來歸君約佳期肯信韶華

得幾時

馬嘶人語春風岸芳草綿綿楊柳橋邊落日高樓酒旆
懸 舊愁新恨知多少目斷遙天獨立花前更聽笙歌
滿畫船

西風半夜簾櫳冷遠夢初歸夢過金扉花謝窗前夜合
枝 昭陽殿裏新翻曲未有人知偷取笙吹驚覺寒蛩
到曉啼

酒闌睡覺天香緩繡戶慵開香印成灰獨背寒屏理舊

着 朦朧却向燈前卧
窗月徘徊曉夢初回
一夜東風綻早梅

小堂深靜無人到
滿院春風惆悵牆東
一樹櫻桃帶雨紅
愁心似醉兼如病
欲語還慵日暮疎鐘雙燕歸棲
畫閣中

畫堂燈煖簾櫳卷
禁漏丁丁雨罷寒生
一夜西窗夢不成
玉娥重起添香印
回倚孤屏不語含情水調何人

吹笛聲

笙歌放散人歸去獨宿江樓月上雲收一半珠簾掛玉

鉤起來檢點經遊地處處新愁憑仗東流將取離心

過橘州

昭陽記得神仙侶獨自承恩水殿燈昏羅幕輕寒夜正

春如今別館添蕭索滿面啼痕舊約猶存忍把金環

別與人

微風簾幕清明近花落春殘尊酒留歡添盡羅衣怯夜

寒愁顏恰似燒殘燭珠淚闌干也欲高拌爭奈相逢

情萬般

畫堂昨夜愁無睡風雨淒淒林鶲爭棲落盡燈花雞未
啼年光往事如流水休說情迷玉筋雙垂祇是金籠

鸚鵡知

寒蟬欲報三秋候寂靜幽居葉落閒階月透簾櫳遠夢
回昭陽舊恨依前在休說當時玉笛纔吹滿袖猩猩
血又垂

洞房深夜笙歌散簾幕重重斜月朦朧雨過殘花落地

紅
昔年無限傷心事依舊東風獨倚梧桐閒想閒思

到曉鐘

花前失却遊春侶
極目尋芳滿眼悲涼
縱有笙歌亦斷腸

半夕陽

菩薩蠻

金波遠逐行雲去疎星時作銀河渡花影卧秋千更長人不眠玉箏彈未徹鳳髻黃釵脫憶夢翠蛾低微風

吹繡衣

畫堂昨夜西風過繡簾時拂朱門鎖驚夢不成雲雙蛾
枕上顰金爐煙嫋嫋燭暗紗窗曉殘日尚彎環玉箏
和淚彈

梅花吹入誰家笛行雲半夜凝空碧欹枕不成眠關山
人未還聲隨幽怨絕空斷澄霜月月影下重簷輕風

花滿簾

回廊遠砌生秋草夢魂千里青門道鶲鵠怨長更碧籠

金鎖橫 羅幃中夜起霜月清如水玉露不成圓寶箏

悲斷弦

嬌鬟堆枕釵橫鳳溶溶春水楊花夢紅燭淚闌干翠屏
煙浪寒 錦壺催畫箭玉佩天涯遠和淚試嚴妝落梅

飛夜霜

西風嫋嫋凌歌扇秋期正與行雲遠花葉脫霜紅流螢
殘月中 蘭閨人在否千里重樓暮翠被已銷香夢隨

寒漏長

沈沈朱戶橫金鎖紗窗月影隨花過燭淚欲闌干落梅
生晚寒寶釵橫翠鳳千里香屏夢雲雨已荒涼江南
春草長

欹鬟墮髻搖雙槳采蓮晚出清江上顧影約流萍楚歌
嬌未成相逢顰翠黛笑把珠璫解家住柳陰中畫橋
東復東

謁金門

風乍起吹皺一池春水閒引鴛鴦芳徑裏手接紅杏蕊

鬪鴨闌干獨倚碧玉搔頭斜墜終日望君君不至舉

頭聞鵲喜

楊柳陌寶馬嘶空無跡新著荷衣人未識年年江海客
夢覺巫山春色醉眼飛花狼籍起舞不辭無氣力愛

君吹玉笛

清平樂

深冬寒月庭戶凝霜雪風鴈過時魂斷絕塞管數聲聲嗚
咽披衣獨立披香流蘇亂結愁腸往事總堪惆悵前

歡休更思量

雨晴煙晚綠水新池滿雙燕飛來垂柳院小閣畫簾高
卷黃昏獨倚朱闌西南新月眉彎砌下落花風起羅

衣特地春寒

西園春早夾逕抽新草冰散漪瀾生碧沼寒在梅花先
老與君同飲金杯飲餘相取徘徊次第小桃將發軒
車莫厭頻來

更漏子

風帶寒枝正好蘭蕙無端先老情悄悄夢依依離人殊
未歸 裳羅幕凭朱閣不獨堪悲搖落月東出雁南飛
誰家夜擣衣

衣初長人近別夢覺一窗殘月鸚鵡卧蟪蛄鳴西風寒
未成 紅蠟燭彈棋局牀上畫屏山綠褰繡幌倚瑤琴
前歡淚滴襟

玉爐烟紅燭淚偏對畫堂秋思眉翠薄鬢雲殘夜長衾
枕寒 梧桐樹三更雨不道離情最苦一葉葉一聲聲

空階滴到明

喜遷鶯

宿鶯啼鄉夢斷春樹曉朦朧殘燈和燼閑朱櫳人語隔
屏風香已寒燈已絕忽憶去年離別石城花雨倚江
樓波上木蘭舟

霧濛濛風淅淅楊柳帶疎煙飄飄輕絮滿南園牆下草
芊綿燕初飛鶯已老拂面春風長好相逢攜酒且高
歌人生得幾何

阮郎歸

南園春半踏青時
風和聞馬嘶
青梅如豆柳如絲
日長蝴蝶飛
花露重草煙低
人家簾幕垂
鞶纏慵困解羅衣
畫梁雙燕棲

角聲吹斷隴梅枝
孤窗月影低
塞鴻無限欲驚飛
城烏休夜啼
尋斷夢掩深闔
行人去路迷
門前楊柳綠陰
齊何時聞馬嘶

賀聖朝

金絲帳煖牙牀穩懷香方寸輕顰輕笑汗珠微透柳霑
花潤雲鬟斜墜春應未已不勝嬌困半欹犀枕亂纏
珠被轉羞人問

應天長

石城山下桃花綻宿雨初晴雲未散南去棹北飛鴈水
闊山遙腸欲斷倚樓情緒嬾無限春心無限燕度蒹
葭風晚欲歸愁滿面

醉花間

獨立階前星又月簾櫳偏皎潔霜樹盡空枝腸斷丁香
結夜深寒不寐疑恨何曾歇凭闌干欲折兩條玉筋
為君垂此宵情誰共說

月落霜繁深院閉洞房人正睡桐樹倚雕簷金井臨瑤
砌曉風寒不啻獨立成顛頽閒愁渾未已離人心緒
自無端莫思量休退悔

芳草渡

梧桐落蓼花秋煙初冷雨纔收蕭條風物正堪愁人去

後多少恨在心頭 蒸鴻遠羌笛怨渺渺澄波一片山
如黛月如鉤笙歌散夢魂斷倚高樓

南鄉子

細雨濕流光芳草年年與恨長煙鎖鳳樓無限事茫茫
鸞鏡鴛衾兩斷腸 魂夢任悠悠揚睡起楊花滿繡牀薄
倖不來門半掩斜陽負你殘春淚幾行

細雨泣秋風金鳳花萎滿地紅閒促黛眉慵不語情緒
寂寞相思知幾許 玉枕擁孤衾挹恨還聞歲月深簾

卷曲房誰共醉顛顚惆悵秦樓彈粉淚

舞春風

一名瑞鷁

嚴妝纔罷怨春風粉牆畫壁宋家東蕙蘭有恨枝尤綠
桃李無言花自紅燕燕巢兒羅幕卷鶯鶯啼處鳳樓
空少年薄倖知何處每夜歸來春夢中

虞美人

玉鈎鸞柱調鸚鵡宛轉留春語雲屏冷落畫堂空薄晚
春寒無奈落花風簾簾燕子低飛去拂鏡塵鸞舞不

知今夜月眉彎誰佩同心雙結倚闌干

春風拂拂橫秋水掩映遙相對祇知長作碧窗期誰信
東風吹散彩雲飛銀屏夢與飛鸞遠祇有珠簾卷楊
花零落月溶溶塵掩玉箏弦柱畫堂空

臨江仙

冷紅飄起桃花片青春意緒闌珊高樓簾幕卷輕寒酒
餘人散獨自倚闌干夕陽千里連芳草風光愁殺王
孫徘徊飛盡碧天雲鳳城何處明月照黃昏

蝶戀花

窗外寒雞天欲曙香印成灰坐起渾無緒
庭院高梧凝宿霧卷簾雙鵲驚飛去屏上羅衣閒繡縷一晌關情憶遍江南路夜夜夢魂休謾語已知前事無情處

蕭索清秋珠淚墜枕簟微涼展轉渾無寐殘酒欲醒中夜起月明如練天如水階下寒聲啼絡緯庭樹金風悄悄重門閉可惜舊歡攜手地思量一夕成憔悴

幾度鳳樓同飲宴此夕相逢却勝當時見低語前歡頻

轉面雙眉斂恨春山遠 蟬燭淚流羌笛怨偷整羅衣
欲唱情猶嬾醉裏不辭金爵滿陽關一曲腸千斷
幾日行雲何處去忘了歸來不道春將暮百草千花寒
食路香車繫在誰家樹 淚眼倚樓頻獨語雙燕飛來
陌上相逢否撩亂春愁如柳絮悠悠夢裏無尋處

六曲闌干偎碧樹楊柳風輕展盡黃金縷誰把鈿箏移
玉柱穿簾海燕雙飛去 滿眼遊絲兼落絮紅杏開時

一霎清明雨濃醉覺來鶯亂語驚殘好夢無尋處

誰道閒情拋棄久每到春來惆悵還依舊日日花前常
病酒不辭鏡裏朱顏瘦河畔青蕪堤上柳為問新愁
何事年年有獨立小樓風滿袖平林新月人歸後

壽山曲

銅壺滴漏初盡高閣雞鳴半空吹起五門金鎖猶垂三
殿簾櫳階前御柳搖綠仗下宮花散紅鴛瓦數行曉日
鶯旗百尺春風侍臣舞蹈重拜聖壽南山永同

思越人

與本調

不同

酒醒情懷惡。金縷褪玉肌。如削寒食過。却海棠零落。
乍倚遍闌干。煙淡薄翠幕。簾櫳畫閣春睡著。覺來失鞦韆。

韁期約

上行杯

與本調不同

落梅暑雨消殘粉。雲重烟深寒食近。羅幕遮香柳外鞦韆出畫牆。春山顛倒釵橫鳳飛絮入簾春睡重。夢裏佳期祇許庭花與月知。

薄命妾

春日宴綠酒一杯歌一遍再拜陳三願
一願郎君千歲二願妾身長健三願如同梁上燕歲歲長相見

金錯刀

一名醉
瑤瑟

雙玉斗百瓊壺佳人歡飲笑喧呼麒麟欲畫時難偶鷗鷺何猜興不孤歌婉轉醉模糊高燒銀燭卧流蘇只銷幾覺懵騰睡身外功名任有無

日融融草芊芊黃鸝求友啼林前柳條娟娟施金線花蘂茸茸簇錦氈鳩逐婦燕穿簾狂蜂浪蝶相翩翩春

光堪賞還堪覩惄殺東風悵少年

憶江南

二首與本

調不同

去歲迎春樓上月正是西窗夜涼時節玉人貪睡墜釵
雲粉消妝薄見天真人非風月長依舊破鏡塵第一
夢經年瘦今宵簾幕颺花陰空餘枕淚獨傷心

今日相逢花未發正是去年別離時節東風次第有花
開恁時須約却重來重來不怕花堪折祇恐明年花
發人離別別離若向百花時東風彈淚有誰知

徐昌圖

莆田人。入宋終殿中丞。詞三首。

木蘭花

沈檀煙起盤紅霧一箭霜風吹繡戶漢宮花面學梅妝
謝女雪詩裁柳絮長垂夾幕孤鸞舞旋炙銀笙雙鳳語
紅窗酒病嚼寒冰冰損相思無夢處

臨江仙

飲散離亭西去浮生常恨飄蓬回頭煙柳漸重重淡雲
孤鴈遠寒日暮天紅今夜畫船何處潮平淮月朦朧

酒醒人靜奈愁濃殘燈孤枕夢輕浪五更風

河傳

秋光滿目風清露白蓮紅水綠何處夢回弄珠拾翠盈
盈倚闌橈眉黛蹙采蓮調穩吳侶聲相續倚棹吳江
曲鶯起暮天幾雙交頸鴛鴦入蘆花深處宿

徐鉉

二首

拋毬樂

歌舞送飛球金觥碧玉籌管弦桃李月簾幕鳳皇樓一

笑千場醉浮生任白頭

灼灼傅花枝紛紛度畫旛不知紅燭下照見彩毬飛借
勢因期冠巫山暮雨歸

御定全唐詩卷八百九十八

欽定四庫全書
欽定四庫全書要卷一萬八千三百四集部

御定全唐詩卷八百九十九

庾傳素

一首

木蘭花

木蘭紅豔多情態不似凡花人不愛移來孔雀檻邊裁
折向鳳皇釵上戴是何芍藥爭風彩自共壯丹長作
對若教為女嫁東風除却黃鸝難匹配

劉侍讀

一首

生查子

深秋更漏長滴盡銀臺燭獨步出幽闈月晃波澄綠
菱荷風乍觸一對鴛鴦宿虛櫂玉釵驚驚起還相續

許岷二首

木蘭花

小庭日晚花零落倚戶無聊妝臉薄寶箏金鴨任生塵
繡畫工夫全放却有時覲著同心結萬恨千愁無處
說當初不合儘饒伊贏得如今長恨別

江南日暖芭蕉展
美人折得親裁翦
書成小簡寄情人
臨行更把輕輕撫
其中撫破相思字
却恐郎疑蹤不似
若還猜妾情人書
誤了平生多少事

林楚翹 一首

菩薩蠻

畫堂春
畫垂珠箔卧來揉
惹金釵落簾滑
枕頭移鬢蟬狂
欲飛笑拖嬌眼慢
羅袖籠花面重道
好郎君人前莫惱人

無名氏 九首

一片子

柳色青山映梨花
雪鳥藏綠窗桃李下
閒坐歎春芳

塞姑

昨日盧梅塞口整見諸人
鎮守都護三年不歸折盡江

邊楊柳

醉公子

門外獨兒吠知是蕭郎至
刻襪下香階冤家今夜醉

扶得入羅幃不肯脫羅衣醉則從他醉還勝獨睡時

菩薩蠻

牡丹含露真珠顆美人折向庭前過含笑問檀郎花強
妾貌強 檀郎故相惱須道花枝好一面發嬌嗔碎按
花打人

賀聖朝

白露點曉星明滅秋風落葉故址頽垣冷煙衰草前朝
宮闕 長安道上行客依舊利深名切改變容顏消磨

今古龍頭殘月

虞美人

帳中草草軍情變
月下旌旗亂
褫衣推枕愴離情
遠風吹下楚歌聲
正三更
撫駢欲下重相顧
豔態花無主
手中蓮鍔凜秋霜
九泉歸去是仙鄉
恨茫茫

後庭宴

千里故鄉十年華
屋亂
魂飛過屏山
簇眼重眉褪不勝
春菱花知我銷香玉
雙雙燕子歸來應解笑
人幽獨

斷歌零舞遺恨清江曲萬樹綠低迷一庭紅撲簌

擷芳詞

風搖蕩雨濛茸翠條柔弱花頭重春衫窄香肌濕記得
年時共伊曾滴都如夢何曾共可憐孤似釵頭鳳闌
山隔晚雲碧燕兒來也又無消息

魚遊春水

秦樓東風裏燕子還來尋舊壘餘寒猶峭紅日薄侵羅
綺嫩草方抽碧玉茵媚柳輕窣黃金縷鶯轉上林魚遊

春水 幾曲闌干遍倚又是一番新桃李佳人應怪歸

遲梅妝淚洗鳳簫聲絕沈孤鴈望斷清波無雙鯉雲山

萬重寸心千里

楊貴妃

阿那曲

羅袖動香香不已紅蕖嫋嫋秋煙裏輕雲嶺下乍搖風
嫩柳池塘初拂水

閩后陳氏名金鳳閩嗣主王廷鈞之后詞二首

樂遊曲

龍舟搖曳東復東采蓮湖上紅更紅波淡淡水溶溶奴
隔荷花路不通

西湖南湖鬪綵舟青蒲紫蓼滿中洲波渺渺水悠悠長
奉君王萬歲遊

柳氏

楊柳枝

楊柳枝芳菲節可恨年年贈離別一葉隨風忽報秋縱

使君來豈堪折

王麗真女郎

字字雙

牀頭錦衾斑復斑架上朱衣殷復殷空庭明月閒復閒

夜長路遠山復山

耿玉真

菩薩蠻

玉京人去秋蕭索畫簷鶲起梧桐落敲枕悄無言月和

殘夢圓 背燈唯暗泣甚處砧聲急眉黛遠山攢芭蕉

生暮寒

一作獨自倚闌
千衣襟生暮寒

句

庭空客散人歸後畫堂半掩朱簾林風淅淅夜厭厭小
樓新月回首自纖纖

春光鎮在人空老新愁往恨何窮金窗力困起還慵一

聲羌笛驚起醉怡容

李後主臨江仙前
後兩調各逸其半

尋春須是陽春早看花莫待花枝老

後主菩薩蠻

帝鄉煙雨鎖春愁故國山川空淚眼

吳越王錢
做木蘭花

金鳳欲飛遭掣搦情脈脈看即玉樓雲雨隔

錢做

桃李不須誇爛漫已輸了風吹一半

韓熙載
詠梅

學著荷衣還可喜年少多來有幾自古閒愁無際

馮延
己謂

門金

初離蜀道心將碎離恨綿綿春日如年馬上時時聞杜

鶯
花藥夫人
采桑子

御定全唐詩卷八百九十九

欽定四庫全書
欽定全唐詩卷九百

集部

御定全唐詩卷九百

呂巖 三十一首

梧桐影

落日斜秋風冷今夜故人來不來教人立盡梧桐影

憶江南

淮南法秋石最堪誇位應乾坤白露節象移寅卯紫河

車子午結朝霞

王陽術得祕是黃牙萬葉初生將此類黃鍾應律始歸
家十月定君誇

黃帝術玄妙美金花玉液初凝紅粉見乾坤覆載暗交
加龍虎變成砂

長生術玄要補泥丸彭祖得之年八百世人因此轉傷
殘誰是識陰丹

陰丹訣三五合玄圖二八應機堪采運玉瓊回首免榮
枯顏貌勝凡姝

長生術初九祕潛龍慎勿從高宜作客丹田流注氣交
通耆老反嬰童

修身客莫誤入迷津氣術金丹傳在世象天象地象人
身不用問東鄰

還丹訣九九最幽玄三性本同一體內要燒靈藥切尋
鉛尋得是神仙

長生藥不用問他人八卦九宮看掌上五行四象在人
身明了自通神

學道客修養莫遲遲光景斯須如夢裏還丹粟粒變金姿死去莫回歸

治生客審細察微言百歲夢中看即過勸君修煉保尊年不久是神仙

瑤池上瑞霧靄羣仙素練金童鏘鳳板青衣玉女嘯鸞弦身在大羅天沈醉處縹渺玉京山唱徹步虛清燕罷不知今夕是何年海水又桑田

西江月

著意黃庭歲久留心金碧年深為憂白髮鬢相侵仙訣
朝朝討論秘要俱皆覽過神仙奧旨重吟至人親指
水中金不负平生志性

任是聰明志士常迷東竈黃庭參同大易事分明不曉
醉眠難醒若遇高人指引都來不費功程止方坎子
是金精認得黃牙方盛

沁園春

七返還丹在我先須煉已待時正一陽初動中宵漏永

溫溫鉛鼎光透簾幙造化爭馳虎龍交媾進火功夫牛
斗危曲江上看月華瑩淨有箇鳥飛當時自飲刀圭
又誰信無中就養兒辨水源清濁木金間隔不因師指
此事難知道要玄微天機深遠下手忙修猶太遲蓬萊
路待三千行滿獨步雲歸

火宅牽纏夜去明來早晚擔憂柰今日茫然不知明日
波波劫劫有甚來由人世風燈草頭珠露我見傷心眼
淚流不堅久似石中迸火水上浮漚休休及早回頭

把往日風流一筆鉤但麌衣淡飯隨緣度日任人笑我
我又何求限到頭來不論貧富著甚干忙日夜憂勤年
少把家緣棄了海上來遊

詩曲文章任汝空留數千萬篇奈日推一日月推一月
今年不了又待來年有限光陰無涯火院只恐蹉跎老
却賢貪癡漢望成家學道兩事雙全 凡間只戀塵緣
又誰信壺中別有天這道本無情不親富貴不疎貧賤
只要心堅不在勞神不須苦行息慮忘機合自然長生

事待明公放下方可相傳

卜算子

心空道亦空風靜林還靜卷盡浮雲月自明中有山河
影供養及修行舊話成重省豆爆生蓮火裏時痛撥
寒灰冷

步蟾宮

坎離乾兌逢子午須認取自家根祖地雷震動山頭雨
要洗濯黃牙土捉得金精牢閉錮煉甲庚要生龍虎

待他問汝甚人傳但說道先生姓呂

滿庭芳

大道淵源高真隱秘風流豈可知聞先天一氣清濁自然分不識坎離顛倒誰能辨金木浮沈幽微處無中產有澗畔虎龍吟 壺中真造化天精地髓陰魄陽魂運周天水火燮理寒溫十月脫胎丹就除此外皆是傍門君知否塵寰走徧端的少知音

醉江月

仙風道骨顛倒運乾坤平分時節金木相交坎離位一
粒刀圭凝結水虎潛形火龍伏體萬丈毫光烈仙花朵
秀聖男靈女板折霄漢此夜中秋銀蟾離海浪卷千
層雪此是天關地軸誰解推窮圓缺片晌功夫霎時丹
聚到此憑何訣倚天長嘯洞中無限風月

水龍吟

目前咫尺長生路多少愚人不悟愛河浪闊洪波風緊
舟船難渡略聽仙師語到彼岸只消一句煉金丹換了

凡胎濁骨免輪迴三塗苦 萬事澄心定意聚真陽都
歸一處 分明認得靈光真趣本來面目此箇幽微理莫
容易等閒分付知蓬萊自有神仙伴侶同攜手朝天去

豆葉黃

二月江南山水路李花零落春無主一箇魚兒無覓處
風和雨玉龍生甲歸天去

浪淘沙

我有屋三椽住在靈源無遮四壁任蕭然萬象森羅為

斗拱瓦蓋青天 無漏得多年結就因緣修成功行滿
三千降得火龍伏得虎陸路神仙

蘇幙遮

天不高地不大惟有真心物物俱含載不用之時全體
在用即拈來萬象周沙界 虛無中塵色內盡是還丹
歷歷堪收采這箇鼎鑪解不解養就靈鳥飛出光明海

雨中花

三百年間功標青史幾多俱委埃塵悟黃粱棄事厭世

藏身將我一枝丹桂換他千載青春岳陽樓上綸巾羽
扇誰識天人蓬萊願應仙舉誰知會合仙賓遙想望
吹笙玉殿奏舞鸞裯風馭雲輶不散碧桃紫柰長新願
逢一粒九霞光裏相繼朝真

促拍滿路花

西風吹渭水落葉滿長安茫茫塵世裏獨清閒自然鑪
鼎虎繞與龍盤九轉丹砂就一粒刀圭便成陸地神仙
任萬釘寶帶貂蟬富貴欲熏天黃梁炊未熟夢驚殘

是非海裏直道作人難袖手江南去白蘋紅蓼又尋溢

浦廬山

六么令

東與西眼與眉偃月爐中運坎離靈砂且上飛最幽微
是天機你休癡你不知

漢宮春

橫笛聲沈倚危樓紅日江轉天斜黃塵邊火澗洞何處
吾家胎禽怨夜來乘風玄露丹霞先生笑飛空一劍東

風猶自天涯 情知道山中好早翠囂含隱瑤草新芽
青溪故人信斷夢飈車乾坤星火歸來了煮石煎沙回首處幅巾蒲帳雲邊獨是桃花

減蘭

即減字木蘭花


暫遊大庾白鶴飛來誰共語嶺畔人家曾見寒梅幾度
花 春來春去人在落花流水處花滿前蹊藏盡神仙
人不知

伊用昌

憶江南

江南鼓梭肚兩頭癩釘著不知侵骨髓打來只是沒心
肝空腹被人謾

御定全唐詩卷九百



總校官庶吉士臣張能照

校對官中書臣張 墉

膳錄監生臣王朝寧